



საქართველო მარნეულის მუნიციპალიტეტის საკრებულო
**GEORGIA MARNEULI MUNICIPALITY REPRESENTATIVE
 BODY**



მარნეულის მუნიციპალიტეტის საკრებულოს ბიუროს სხდომის

ოქმი N1

ქ. მარნეული

09.01.2017 წელი

სხდომას ესწრებოდნენ:

ბიუროს წევრები: - ნაზი აბდულაევი, ვალერი მეტრეველი, ამირან გიორგაძე, ვანო ბურნაძე, რიჩარდ გიგანი, კოტე ბოჭოიძე, რაფიკ მუსაევი, ვალი ისმაილოვი, გიორგი შუკაკიძე, აზიდ ოსმანოვი.

სხდომას არ ესწრებოდა: ნიკოლოზ გოგოჭური, ირაკლი ბურნაძე, ქამილ ალიევი, რაგიმ ასკეროვი, რამიზ გულმამედოვი,

სხდომას ესწრებოდა: მარნეულის მუნიციპალიტეტის გამგებელი მერაბ თოფჩიშვილი, გამგებლის პირველი მოადგილე ზაურ ტაბატაძე, მარნეულის მუნიციპალიტეტის გამგეობის საფინანსო-საბიუჯეტო სამსახურის უფროსი ვუგარ მამედოვი, მარნეულის მუნიციპალიტეტის გამგეობის ადმინისტრაციის სამსახურის უფროსი ნინო დეკანოიძე, მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის უფროსი ტარიელ მუსაევი, მარნეულის მუნიციპალიტეტის საკრებულოს აპარატის უფროსი ნინო ბერიძე.

განსახილველი საკითხების დღის წესრიგი:

1. მარნეულის მუნიციპალიტეტის 2017 წლის ბიუჯეტის დამტკიცების შესახებ.
2. მარნეულის მუნიციპალიტეტის გამგებლის 2017 წლის 6 იანვრის N03/98 წერილის განხილვის შესახებ
3. მარნეულის მუნიციპალიტეტის გამგებლისათვის ს.ს.ი.პ. მუნიციპალური განვითარების ფონდისაგან სესხის მიღებაზე წინასწარი თანხმობის მიცემის შესახებ.
4. „მარნეულის მუნიციპალიტეტის გამგეობის შიდა აუდიტის სამსახურის დებულების დამტკიცების თაობაზე“ მარნეულის მუნიციპალიტეტის საკრებულოს 2015 წლის 25 დეკემბრის N45 დადგენილებაში ცვლილების შეტანის შესახებ
5. მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის 2016 წლის 12 სექტემბრის N2822-03 მოხსენებითი ბარათის განხილვის შესახებ
6. მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის 2016 წლის 1 ნოემბრის N3486-03 მოხსენებითი ბარათის განხილვის შესახებ.

7. მარნეულის მუნიციპალიტეტის ტერიტორიაზე გარე რეკლამის განთავსების წესის დამტკიცების შესახებ.

8. მარნეულის მუნიციპალიტეტის გამგეობის მუნიციპალური ზედამხედველობის სამსახურის დებულების დამტკიცების თაობაზე“ მარნეულის მუნიციპალიტეტის საკრებულოს 2014 წლის 16 ოქტომბრის N31 დადგენილებაში ცვლილების შეტანის შესახებ.

9. „მარნეულის მუნიციპალიტეტის გამგეობის დებულების დამტკიცების თაობაზე“ მარნეულის მუნიციპალიტეტის საკრებულოს 2014 წლის 16 ივლისის N18 დადგენილებაში ცვლილების შეტანის შესახებ

განხილული საკითხები და მიღებული გადაწყვეტილებები:

1. დღის წესრიგით გათვალისწინებულ პირველ საკითხთან დაკავშირებით მარნეულის მუნიციპალიტეტის გამგეობის საფინანსო-საბიუჯეტო სამსახურის უფროსმა ვუგარ მამედოვმა ბიუროს წევრებს გააცნო მარნეულის მუნიციპალიტეტის 2017 წლის ბიუჯეტის პარამეტრები, როგორც შემოსულობების, ასევე ხარჯვითი ნაწილის მიხედვით. მარნეულის მუნიციპალიტეტის საკრებულოს თავმჯდომარემ ნაბი აბდულაევმა აღნიშნა, რომ მარნეულის საკრებულოს წევრების მიერ, მუნიციპალიტეტის 2017 წლის ბიუჯეტთან დაკავშირებით გამოთქმული ყველა შენიშვნა არის მუნიციპალიტეტის კეთილდღეობისათვის და როგორც აღმასრულებელმა ორგანომ განმარტა, მისი გათვალისწინება აუცილებლად მოხდება ეტაპობრივად, რის პასუხისმგებლობასაც ბიუროს და საკრებულოს წევრების წინაშე იღებდა პირადად. ასევე ბიუროს წევრმა ვანო ბურნაძემ ყურადღება გაამახვილა მარნეულის მუნიციპალიტეტში არსებულ მიწის გადასახადებზე, რომელიც აუცილებლად საჭიროებს გადახედვას, ვინაიდან სარწყავი და ურწყავი მიწების ერთ კატეგორიაში მოქცევა და ერთნაირი საგადასახადო ტარიფის დაწესება დისკრიმინაციულ პირობებში აყენებს იმ პიროვნებებს, ვისაც აქვთ ურწყავი მიწები და შესაბამისად ასეთი მიწიდან მიღებული შემოსავალი გაცილებით მცირეა, ვიდრე სარწყავი მიწისა. ბიუჯეტთან დაკავშირებით, ფრაქცია „ქართული ოცნება-დემოკრატიული საქართველო“-ს სახელით განცხადება გააკეთა ფრაქციის თავმჯდომარემ ამირან გიორგაძემ, რომელმაც აღნიშნა, რომ მიუხედავად იმისა, რომ აღმასრულებელი ორგანოს მიერ 2017 წლის ბიუჯეტზე არ იქნა საკრებულოს შენიშვნები გათვალისწინებული და არც არგუმენტირებული პასუხი არ გაცემულა თუ რატომ არ იქნა გათვალისწინებული ეს შენიშვნები, მაინც აუცილებელია მხარი დაეჭიროს წარმოდგენილ ბიუჯეტს, რათა მოხდეს მისი დამტკიცება, ხოლო საკრებულო და პირადად ფრაქცია მიაქცევს ყურადღებას, რათა ეტაპობრივად იქნეს გათვალისწინებული გამოთქმული შენიშვნები, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

2. დღის წესრიგით გათვალისწინებულ მეორე საკითხთან დაკავშირებით, მარნეულის მუნიციპალიტეტის გამგეობის საფინანსო-საბიუჯეტო კომისიის თავმჯდომარემ კოტე ბოჭოიძემ ბიუროს წევრებს გააცნო მარნეულის მუნიციპალიტეტის გამგებლის 2017 წლის 6 იანვრის N03/98 წერილით წარმოდგენილი დოკუმენტაცია, რომლითაც ითხოვენ თანხმობას, რათა განხორციელდეს პროცედურები მუნიციპალიტეტის ან მის მიერ დაფუძნებული ა(ა)იპ „მარნეულის მუნიციპალიტეტის სპორტული სკოლა“-ის მიერ ა(ა)იპ „სარაგბო კლუბი არმაზი“-ს დამფუძნებლად გაწევრიანების შესახებ, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

3. დღის წესრიგით გათვალისწინებულ მესამე საკითხთან დაკავშირებით, მარნეულის მუნიციპალიტეტის საკრებულოს საფინანსო-საბიუჯეტო კომისიის თავმჯდომარემ კოტე ბოჭოიძემ ბიუროს წევრებს გააცნო მარნეულის მუნიციპალიტეტის გამგებლის 2016 წლის 30 დეკემბრის N03/10738 და 2017 წლის 6 იანვრის N03/97 წერილებით შემოსული დოკუმენტაცია მარნეულის მუნიციპალიტეტის გამგებლისათვის სსიპ - მუნიციპალური განვითარების ფონდისაგან სესხის აღებაზე თანხმობის მიცემის შესახებ, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

4. დღის წესრიგით გათვალისწინებულ მეოთხე საკითხთან დაკავშირებით, იმის გათვალისწინებით, რომ მარნეულის მუნიციპალიტეტის საკრებულოს ბიუროს წევრი ირაკლი ბურნაძე არ ესწრებოდა ბიუროს სხომას, მარნეულის მუნიციპალიტეტის გამგეობის ადმინისტრაციული სამსახურის უფროსმა ნინო დეკანოიძემ ბიუროს წევრებს გააცნო დადგენილების პროექტი, რომლის მიხედვით შედის ცვლილება შიდა აუდიტის სამსახურის დებულებაში და სამსახურის უფროსი ანგარიშს აბარებს მუნიციპალიტეტის გამგეობელს მომდევნო წლის იანვრის ბოლომდე, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

5. დღის წესრიგით გათვალისწინებულ მეხუთე საკითხთან დაკავშირებით, იმის გათვალისწინებით, რომ მარნეულის მუნიციპალიტეტის საკრებულოს ბიუროს წევრი ირაკლი ბურნაძე არ ესწრებოდა ბიუროს სხომას, მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის უფროსმა ტარიელ მუსაევმა ბიუროს წევრებს გააცნო მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის 2016 წლის 12 სექტემბრის N2822-03 მოხსენებითი ბარათით წარმოდგენილი დოკუმენტაცია, რომლითაც ითხოვენ ბინათმესაკუთრეთა ამხანაგობა „ერეკლე მეორე ქ. N5“-ს მრავალბინიან სახლზე მისაკუთვნილები მიწის ნაკვეთის ფართისა და საზღვრების (წითელი ხაზები) დადგენას. მიწის ნაკვეთის ფართი - 766 კვ.მ, განაშენიანების ფართი 01/2 - 400 კვ.მ, 02/1 - 23 კვ.მ, 03/1 - 23 კვ.მ, 04/1 - 15 კვ.მ, 05/1 - 14 კვ.მ, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

6. დღის წესრიგით გათვალისწინებულ მეექვსე საკითხთან დაკავშირებით, იმის გათვალისწინებით, რომ მარნეულის მუნიციპალიტეტის საკრებულოს ბიუროს წევრი ირაკლი ბურნაძე არ ესწრებოდა ბიუროს სხომას, მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის უფროსმა ტარიელ მუსაევმა ბიუროს წევრებს გააცნო მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის 2016 წლის 1 ნოემბრის N3486-03 მოხსენებითი ბარათით წარმოდგენილი დოკუმენტაცია, რომლითაც ბინათმესაკუთრეთა ამხანაგობა „ვუსალ“ ითხოვს ქალაქ მარნეულში 20 იანვრის ქუჩა N2-ში მდებარე მრავალბინიან სახლზე მისაკუთვნილები მიწის ნაკვეთის ფართისა და საზღვრების (წითელი ხაზები) დადგენას. მიწის ნაკვეთის ფართი - 4000 კვ.მ, განაშენიანების ფართი 01/2 - 475 კვ.მ, 02/1 - 310 კვ.მ, 03/1 - 394 კვ.მ, 04/1 - 22 კვ.მ. რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

7. დღის წესრიგით გათვალისწინებულ მეშვიდე საკითხთან დაკავშირებით, იმის გათვალისწინებით, რომ მარნეულის მუნიციპალიტეტის საკრებულოს ბიუროს წევრი ირაკლი ბურნაძე არ ესწრებოდა ბიუროს სხომას, მარნეულის მუნიციპალიტეტის გამგეობის ეკონომიკური განვითარებისა და მუნიციპალური ქონების მართვის სამსახურის უფროსმა ტარიელ მუსაევმა ბიუროს წევრებს დასამტკიცებლად წარუდგინა დადგენილების პროექტი მარნეულის მუნიციპალიტეტის ტერიტორიაზე გარე რეკლამის განთავსების წესის შესახებ, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

8. დღის წესრიგით გათვალისწინებულ მერვე საკითხთან დაკავშირებით, იმის გათვალისწინებით, რომ მარნეულის მუნიციპალიტეტის საკრებულოს ბიუროს წევრი ირაკლი ბურნაძე არ ესწრებოდა ბიუროს სხომას, მარნეულის მუნიციპალიტეტის გამგეობის ადმინისტრაციული სამსახურის უფროსმა ნინო დეკანოიძემ ბიუროს წევრებს გააცნო მარნეულის მუნიციპალიტეტის გამგეობის ზედამხედველობის სამსახურის დებულებაში შესატანი ცვლილების პროექტი, რასაც ბიუროს წევრები დაეთანხმნენ და მიიღეს გადაწყვეტილება საკითხი განხილული იქნეს საკრებულოს სხდომაზე.

9. დღის წესრიგით გათვალისწინებულ მეცხრე საკითხთან დაკავშირებით, მარნეულის მუნიციპალიტეტის გამგეობის ადმინისტრაციული სამსახურის უფროსმა ნინო დეკანოიძემ ბიუროს წევრებს გააცნო მარნეულის მუნიციპალიტეტის გამგეობის დებულებაში შესატანი ცვლილების პროექტი, რასაც ბიუროს წევრები დაეთანხმნენ და მიიღეს გადაწყვეტილება საკითხი საკითხი განხილული იქნეს საკრებულოს სხდომაზე.

მარნეულის მუნიციპალიტეტის საკრებულოს თავმჯდომარემ მარნეულის მუნიციპალიტეტის საკრებულოს ბიუროს 2017 წლის პირველი სხდომა გამოაცხადა დახურულად.

მარნეულის მუნიციპალიტეტის
საკრებულოს თავმჯდომარე:

ნაზი აბდულაევი